

十六国春秋

一
函
十二册
函

前秦錄七

春秋卷第三十九

魏 散騎常侍 崔 鴻 撰

苻丕

苻丕字永叙堅之長庶子少而聰慧好學博綜經史堅與之言將略嘉之命鄧羌教以兵法文武才幹亞于苻融堅以爲征東將軍冀州牧封長樂公丕爲將善收士卒情出鎮于鄴東夏安之堅敗歸長安丕爲慕容垂所逼自鄴奔枋頭建元二十一年丕帥眾三萬自枋頭將歸鄴城晉龍驤將軍檀玄擊之戰于谷口玄兵敗績丕復入鄴城將收兵趙魏西赴長安會王猛子幽州刺史王永平州刺史苻冲帥幽并人眾擊慕容垂頻爲垂將帶方太守平視等所敗乃遣昌黎太守宋

敞焚燒和龍薊城宮室率眾三萬進屯壺關遣使招丕丕乃
去鄴帥男女六萬餘口進如潞川驃騎將軍張蚝并州刺史
王騰迎之八據晉陽王永留冲守壺關自帥騎一萬會丕于
晉陽始知長安不守堅爲姚萇所殺乃發喪于晉陽三軍縞
素僭卽皇帝位立堅行廟大赦改建元二十一年爲太安元
年九月置百官以張蚝爲侍中司空封上黨郡公王永爲使
持節侍中都督中外諸軍事車騎大將軍尙書令司徒錄尙
書事進封清河公王騰爲散騎常侍中軍大將軍司隸校尉
陽平郡公苻冲爲左光祿大夫尙書左僕射封西平王俱石
子爲衛將軍濮陽公又以左長史楊輔爲尙書右僕射濟陽
公右長史王亮爲護軍將軍彭城公強益耳梁暢爲侍中徐

義爲吏部尙書並封縣公自餘封授各有差立妃楊氏爲皇后子宣爲皇太子壽爲長樂王鏘爲平原王懿爲渤海王泉爲濟北王是月安西將軍呂光自西域還師至于宜禾堅涼州刺史梁熙謀閉境拒之高昌太守楊翰切諫弗聽乃以子胤爲鷹揚將軍率眾五萬拒光于酒泉燉煌太守姚靜晉昌太守李純以郡降光胤與光戰于安彌爲光所敗武威太守彭濟執熙迎光光殺之建威將軍西郡太守索泮奮威將軍都督洪池已南諸軍事酒泉太守宋皓等並爲光所殺尙書令魏昌公纂自關中奔晉陽丕拜纂太尉進封東海王阜城侯定高城男紹高邑侯謨重合侯亮聞丕卽位皆自河北遣使謝罪中山太守王充本新平氏也固守博陵不附慕容垂

十一月不以充爲平東將軍平州刺史定爲征東將軍冀州
牧紹爲鎮東將軍都督冀州諸軍事謨爲征北將軍幽州牧
亮爲鎮北將軍都督幽并二州諸軍事並進爵郡公左將軍
竇衝秦州刺史王統河州刺史毛興益州刺史王廣南秦州
刺史楊璧衛將軍楊定皆據隴右遣使招丕請討姚萇丕大
悅以定爲驃騎大將軍雍州牧衝爲征西大將軍梁州牧統
鎮西大將軍興車騎大將軍璧征南大將軍廣安西大將軍
並開府儀同三司加散騎常侍進位州牧于是王永宣檄州
郡曰大行皇帝背棄萬乘社稷無主征東大將軍長樂公丕
先帝元子聖武自天受命荆南威鎮衡海分陝東都道被夷
夏仁澤光于宇宙德聲侔于下武永與司空蚝等謹順天人

之望以季秋吉辰奉公紹承大統銜哀卽事棲谷總戎枕戈
待旦志雪大恥慕容垂爲封豕于關東泓沖繼凶于京邑致
乘輿播越宗社淪傾羌賊姚萇我之牧士乘釁滔天親爲大
逆有生之巨賊也永累葉受恩世荷將相不與驪山之戎榮
澤之狄共戴皇天同履厚土諸牧伯公侯或宛沛宗臣或四
七勳舊豈忍舍破國之醜豎縱殺君之逆賊乎主上龍飛九
五實協天心靈祥庥瑞史不輟書投戈效義之士幾三十餘
萬少康光武之功可旬朔而成今以衛將軍俱石子爲前軍
師司空張蚝爲中軍都督武將猛士風烈雷震志殄元兇義
無他顧永謹奉乘輿恭行天討君臣始終之義在三忘軀之
誠戮力同之以建晉鄭之美時慕容麟攻王充于博陵城中

糧盡矢竭功曹張猗踰城出聚眾應麟十二月麟拔博陵執
兗及固安侯鑒並殺之昌黎太守宋敞帥烏桓索頭之眾救
兗不及而還不以為敞為平州刺史

太安二年春正月丕復以王永為司徒錄尚書事徐義為尚
書令加右光祿大夫二月益州牧王廣還自成都奔其兄秦
州牧王統及長安不守廣攻河州牧毛興于枹罕興遣建節
將軍臨清伯衛平帥其宗人一千七百夜襲廣軍大破之三
月統復遣兵助廣攻興嬰城固守夏四月毛興襲擊王廣
敗之廣奔秦州為隴西鮮卑匹蘭所執送于姚萇興復欲攻
王統于上邽枹罕諸氏皆厭苦兵革疲不堪命乃殺興推衛
平為使持節安西將軍河州刺史遣使請命于丕五月丕大

赦以衛平爲撫軍將軍河州刺史呂光爲車騎大將軍涼州
牧酒泉公使者皆沒于姚萇不能達六月征東將軍定鎮東
將軍紹征北將軍謨鎮北將軍亮等復降于垂丕以都督中
外諸事司徒尙書王永爲左丞相太尉東海王纂爲大司馬
司空張蚝爲太尉尙書令徐義爲司空司隸校尉王騰爲驃
騎大將軍儀同三司尙書左僕射沖爲車騎大將軍尙書令
儀同三司衛將軍俱石子爲衛大將軍尙書左僕射領官皆
如故永又傳檄州郡曰昔夏有窮夷之難少康起焉王莽毒
殺平帝世祖重光漢道百六之運何代無之天降喪亂羌胡
猾夏先帝晏駕賊庭京師鞠爲戎穴神州蕭條生靈塗炭天
未亡秦社稷有奉主上聖德恢弘道侔光武所在宅心天人

歸屬必當隆中興之功復配天之美姚萇殘虐慕容垂凶暴
所過滅戶夷烟毀發邱墓毒徧存亡痛纏幽顯雖黃巾之害
于九州赤眉之暴于四海方之二虜未爲甚也今素秋將及
行師令辰公侯牧守壘主鄉豪或戮力國家乃心王室各帥
所統以孟冬上旬會大駕于臨晉于是天水姜延馮翊寇明
河東王昭新平張晏京兆杜敏扶風馬朗建忠將軍高平牧
官都尉扶風王敏等咸承檄起兵各有眾數萬遣使應丕皆
就拜將軍封列侯冠軍將軍鄧景羌之子也擁眾五千據彭池與
竇衝爲首尾以擊姚萇丕以景爲京兆尹秋七月平涼太守
金熙安定北部都尉鮮卑沒奕于帥鄯善王胡員吒護羌中
郎將梁苟奴等與萇左將軍姚方成鎮遠將軍强京戰于孫

邱谷大敗之枹罕諸氏以衛平衰老難與成功議欲廢之而
憚其宗強連日不決氏有啖青者謂諸將曰大事宜定東討
姚萇不可沈吟猶豫一旦事發返爲人害諸君但請衛公會
集眾將青爲諸君決之眾咸以爲然會七夕大宴青抽劍而
前曰今天下大亂豺狼塞路吾曹今日休戚同之非賢明之
主莫可濟難也衛公朽耄不足以成大事宜返初服以避賢
路狄道長苻登雖王室疏屬而志略雄明請共立之以赴大
駕諸君若有不同者便下異議乃奮劍攘袂將斬異己者眾
皆從之莫敢仰視于是推登爲使持節都督隴右諸軍事撫
軍大將軍雍河二州牧略陽公帥眾五萬東下隴攻拔南安
遣使請命于丕八月丕以登爲征西大將軍開府儀同三司

南安王持節及州牧都督皆因其所稱而授之又以徐義爲右丞相留王騰守晉陽右僕射楊輔成壺關率眾四萬進屯平陽九月王統以秦州降于姚萇慕容永以丕至平陽恐不自固乃遣使求假道東歸丕弗許下書曰鮮卑慕容永乃我之騎將首亂京師禍傾社稷豕凶繼逆方請逃歸是而可忍孰不可忍其遣左丞相王永及東海王纂帥禁衛虎旅夾而攻之以衛大將軍俱石子爲前鋒都督十月與慕容永戰于襄陵永及石子大敗皆死之初纂來自長安麾下壯士三千餘人丕猜忌之眾皆離散及永之敗懼爲纂所殺帥騎數千南奔東垣謀襲洛陽晉桓石民遣揚威將軍馮該自陝邀擊敗之殺丕執太子宜長樂王壽及左僕射王孚吏部尙書苟

操等送于京師朝廷赦而不誅歸之于宏纂與其弟尙書永平侯師奴率不餘眾數萬走據杏城其餘王公百官皆沒于慕容永不在位二年登稱尊號僞諡哀平皇帝

春秋卷第三十九終

Blank columns for text.

前秦錄八

春秋卷第四十

魏散騎常侍崔鴻撰

苻登

苻登字文高堅之族孫也父敞健之世爲太尉司馬隴東太守建節將軍潁川王爲生所殺堅卽僞位追贈右將軍涼州刺史以登兄同成嗣登少而雄勇有壯氣麤險不修細行故堅弗之奇也長而折節謹厚頗覽書傳建元初封南安王拜殿中將軍稍遷羽林監揚武將軍長安令坐事黜爲狄道長及關中亂去縣奔於枹罕遂歸河州牧毛興以爲長史時興鎮上邽同成言於興請以登爲司馬常在營部登度量不羣好爲奇略同成常謂之曰汝聞不在其位不謀其政無數干

時將爲博識者不許吾非疾汝恐或不喜人妄豫耳自是可
止汝後得意自可專志時人聞同成言多以爲疾登而抑蔽
之登乃屏迹不妄交遊興有事則召之戲謂之曰小司馬可
坐評事登出言輒析理中興內服焉然敬憚而不能委任太
安二年姚萇作亂遣其弟碩德率眾伐毛興相持久之登克
南安夷夏歸之者三萬餘戶遂進攻碩德於秦州姚萇自率
眾來救登與戰于胡奴坂一作阜大破之斬首二萬餘級將軍
啖青射萇中之萇創重走保上邽碩德代統其眾毛興將死
告同成曰與卿累年共擊逆羌事終不克何恨之深可以後
事付卿小弟司馬殄碩德者必此人也卿可總攝司馬事旣
而氏羌襲殺臨清伯衛平推登代之遂專統征伐時歲旱眾

饑道殣相望登每戰殺賊名爲熟食謂軍人曰汝等朝戰暮
便飽肉何憂於饑士眾從之噉死人肉輒飽健能鬪姚萇聞
之急召碩德曰汝不來必爲苻登所食盡碩德於是下隴奔
長安十一月丕尙書寇遣奉渤海王懿濟北王暉自杏城奔
南安登乃具丕凶問於是爲丕發喪行服三軍縞素登請立
懿爲主眾咸曰渤海王雖先帝之子然年在幼沖未堪多難
國亂而立長君春秋之義也今三虜跨僭寇旅殷強豺狼梟
獍舉目而是自古厄運之極莫甚於斯大王挺劍西州鳳翔
秦隴偏師暫接姚萇奔潰一戰之功可謂光格天地宜龍驤
武奮拯拔舊京以社稷宗廟爲先不可顧曹臧吳札一介微
節以失圖運之機不建中興之業也乃爲壇於隴東僭卽皇

帝位大赦境內改太安二年爲太初元年置百官十二月立
世祖堅神主於軍中載以輜輶羽葆青蓋車建黃旗武賁之
士三百人以衛之將戰必告凡所欲爲必啟主而後行繕甲
纂兵將引師而東乃告堅神主曰維曾孫皇帝臣登以太皇
帝之靈恭踐寶位昔五將之難賊羌肆害於聖躬實登之罪
也今收合義旅眾餘五萬精甲勁兵足以立功年穀豐穰足
以資贍卽日星馳電邁直造賊庭奮不顧命隕越爲期庶上
報皇帝酷怨下雪人民大恥惟帝之靈降鑒厥誠因歔歔流
涕將士莫不悲慟皆刻鉞鍔爲死休字示以戰死爲志每戰
以長稍鉤刃爲方圓大陣知一作如有厚薄從中分配故人自
爲戰所向無前初長安之將敗也堅中壘將軍徐嵩屯騎校